

清鑑

印
鸾
章
著



K249

清鑑

印 鸾 章 编



1412

北京市中国书店

据世界书局1936年版影印

清鉴（全二册）

出版：北京市中国书店

发行：北京市新华书店

北京大中印刷厂印刷

1985年3月第一版 1985年3月第一次印刷

开本：850·1168 $\frac{1}{32}$ 印张 31.875

定价：4.95元

凡例

一本書體例依據袁王綱鑑合編分綱目二種以年爲經以事爲緯俾得與袁王綱鑑合編及明鑑成爲首尾一貫之完史

一依綱鑑定例凡關於國之興亡世之治亂帝王將相之賢否土地人民之分併與夫政治制度之沿革文化經濟之變遷凡足以觀摩而昭鑑戒者無不詳審精當羅集備舉其無補於世教民彝有溷正史者悉置弗錄

一本書凡十六卷自太祖開國起至宣統遜位止凡其間二百六十九年之事跡簡其撰述詳其考證成爲一銜接明鑑之史使讀者得於有清一代家國興亡政治得失均能瞭如指掌

一綱目於歷代紀年之際凡正統則用大書非正統則用分注其界最嚴本書亦仍其例如明末清初仍用一年兩系之例意亦存其正統也

一綱目於命官時惟宰臣皆書餘官非有故不書今沿其例凡宰臣之拜免及卒皆書餘官黜陟及名賢生卒有關政教者亦特書例書之

一專制時代對於革命人物往往目爲盜匪如洪楊之變舊史必書爲盜

或寇斯實有乖正誼。本書悉加釐正。

一清季外交失敗。與各國所訂不平等條約。本書不憚繁冗。詳爲記載。冀後之秉政者有所警惕也。

一清代地名都邑。民國已多更改。本書悉按最近劃定區域。概爲注明。

一編撰本書。參攷書達六十餘種。除東華錄皇朝三通及大清會典等官書外。餘皆爲名人所撰。可信之書。

一本書竭個人心力。增修刪訂。歷數年之久。始克於成。然疏漏舛誤在所不免。當世宏達。幸賜匡正。

清鑑綱目目次

開國紀要……………一

太祖高皇帝……………二

太宗文皇帝……………一

世祖章皇帝（順治）……………二

聖祖仁皇帝（康熙）……………一七

世宗憲皇帝（雍正）……………三一

高宗純皇帝（乾隆）……………三七

仁宗睿皇帝（嘉慶）……………四八

宣宗成皇帝（道光）……………五四

文宗顯皇帝（咸豐）……………五八

穆宗毅皇帝（同治）……………六五

德宗景皇帝（光緒）……………七二

宣統帝……………九三

清代帝系表……………一〇〇

清鑑綱目卷首

鹽城印鸞章編輯 金式陶 張延壽 趙雪 胡應庚 校訂

開國紀要

滿洲之
崛起

清之先世為滿洲滿洲者居於長白山之東蓋古女真即金國遺種也

自蒙古滅金後通古斯族勢力日衰相傳有布庫里雍順者以愛新

覺羅為姓始居吉林北境俄莫惠之野鄂多里城建國曰滿洲是為

清人開國之始祖按始祖開基在金山之末造由布庫里雍順數傳而後國內大亂

舉族被戕幼子范察僅以身免又數傳至都督孟特穆即穆祖誘誅

仇人恢復故地時當明正統景泰之交始徙居赫圖阿拉是為興京

距盛京二百七十里即明之建州右衛也孟特穆三傳至都督福滿

即興祖直皇帝生覺昌安即景祖盡收蘇克素護河西二百里內諸部落國

勢始大覺昌安生塔克世即顯祖塔克世生三子長曰努爾哈赤即

太祖高皇帝也

附記

滿洲源流考曰滿之先世姓愛新覺羅氏發祥於長白山山高二百餘里綿亘千餘里山上有潭周八十里鳴鶴同愛湧三江出焉山之東曰布庫里山下

有他曰布爾湖相傳有三天女浴於池神鵲銜朱果置季女衣季女含口中忽入腹遂有孕孕產一男及長因命之曰汝以愛新覺羅為姓布庫里雍順為名天生汝以定亂

國汝宜諱之汝順流而往即其地也乘以小初順流下至河濱登岸折柳枝及蒿為坐
具時其地有三姓爭為雄長日擄兵相仇殺亂靡定有取水河濱者見而與之譚以語
衆衆往觀詰所自來答曰我天女所生以定汝等之亂且告以姓名衆驚曰此天生聖
人也交手為昇迎至家三姓者識曰我等盡息爭推此人為國主以女百里妻之
貝勒其亂乃定於是居長白山東俄漢之野俄朵里城國號滿洲是為國基之始數
世後不善撫其衆國人叛布庫里雅順之族有幼子名范察者遊於荒野國人追之會
有神鵲止其首道者遙望鵲樓處枯木遂止范察得不死又數傳至羅祖原皇帝
名都督孟特穆生有智勇慨然以恢復為志誘殺先世仇人過半於是始居赫圖阿喇
地（即今遼寧與京縣）生子二長充善次褚宴充善子三其三即興祖直皇帝名部
督福滿興祖生子六其四即景祖翼皇帝六子各居一地而為舊古塔貝勒景祖生
五其四即顯祖宣皇帝名塔克世時近地部落名碩色納者恃其強侵陵諸路景祖令
長子禮敦征之滅其族盡收蘇克蘇河四二百里內諸部國益強盛後興郭阿哈
納者欲聘薩克達路長之妹為妻薩克達路南二路密古塔時分房十二處乃謀合併與
主子遂相仇怨引兵攻掠密古塔貝勒東南二路密古塔時分房十二處乃謀合併與
祖孫吳泰者敗其謀遂分裂勢弱而諸國紛亂互相雄長時顯祖嫡妃喜塔喇氏即宣
皇后生三子長即太祖努爾哈赤也太祖生而龍顏鳳目偉軀大耳天表玉立若洪
鐘廣度重舉止非常射擊輒中剛果能斷凡所睹証終身不忘國人稱之曰聰明貝
勒明萬歷時以尼堪外郎陰謀誘兵攻密古塔諸部景祖二祖被害太祖乃立志復仇
卒取遼東廣寧諸地創立宏業混一區宇之丕基蓋肇於此
以上為清代官書記開國源流如是附錄於此以便參攷

●太祖高皇帝

名努爾哈赤顯祖塔克世長子在位四十有一年崩壽六十有八歲
明萬曆四十四年稱帝建元天命凡十有一年崩壽六十有八歲

太祖努爾哈赤生而英毅有武略凡所睹記終身不忘國人稱之曰

聰明貝勒其開國方略凡六首統一滿洲諸部次征服扈倫諸部次

伐明圍撫順克清河堡殲薩爾滸之師遷都遼瀋敘次如左

一 統一滿洲諸部

滿洲凡六部曰覺羅部曰蘇克素護河部曰渾河部曰完顏部曰董鄂部曰哲陳部努爾哈赤爲愛新覺羅部長覺羅部外以蘇克素護河部爲最強先是蘇克素護河部有尼堪外蘭者爲圖倫城主頗效忠明室陰與明總兵李成梁合軍攻古時城其城主阿太章京之妻爲覺昌安之孫女努爾哈赤之從姊也覺昌安聞古時有難恐孫女被獲卽偕其子塔克世率兵往援既至入城助守而尼堪外蘭紿城民作亂殺阿太送欸於明並擒覺昌安父子誅之努爾哈赤時二十有五歲矣聞之大怒誓志復仇先遣使詰明邊吏明謝誤殺罪歸其祖與父之喪賜勅三十道馬三十匹封努爾哈赤爲龍虎將軍建州左衛都督努爾哈赤曰害我祖父者尼堪外蘭也當先滅之遂以萬歷十一年以其遣甲十三副攻圖倫城尼堪外蘭退保甲版又被迫走撫順欲入明邊明邊吏懼啓釁逐之遂逃鄂勒琿築城居之以中隔董鄂渾河諸部追兵不能及努爾哈赤遂改變行軍方略用兵先自近部始於是首攻蘇克素護河部之瓜爾佳城次攻渾河部之貝璉城哲陳部之託摩城及董鄂部皆克之遂越諸部進迫鄂勒琿尼

滿洲初起時諸部表

西海		建州										衛部
倫扈		山白長			滿洲							名號
烏拉	葉赫	哈達	輝發	珠舍哩	鴨綠江	納殷	哲陳	董鄂	完顏	渾河	蘇克素護河	覺羅
吉林省城	遼寧東遼河流域	遼寧輝北縣西境	遼寧輝南縣地	遼寧臨江縣北	遼寧鴨綠上流北岸	遼寧長白縣境	遼寧柳河縣東	遼寧通化縣北	吉林敦化縣西	遼寧新賓西北	遼寧柳河縣境	遼寧新賓
												今
												地

堪外蘭復逃入明。努爾哈赤以執付仇人請明邊吏執尼堪外蘭送努爾哈赤軍斬之。並歲賜銀八百兩。蟒緞十五匹。開撫順清河寬甸。綏陽四口爲通商所。冀以結其歡心。努爾哈赤復乘勝攻克完顏部。於是五部皆服。越四年。又征服長白山之鴨綠江部。兵威益振。駸駸然合大東而奄有之矣。



明初滅元分關外地爲三衛一曰建州統滿洲六

部及長白山三部一曰海西衛統遼倫四部一曰野人衛統東海三部皆在今遼寧吉林之間其時明人開闢盡於今開原鐵嶺遼陽瀋陽海城蓋平諸地其東北皆爲曠力所不及三衛之建不過仿唐羈

野東		人海
渥集	吉林寧安東北窩集地	庫爾喀 吉林寧古塔河流域
尼爾喀	吉林延吉縣北境	

二 征服扈倫諸部

廣州之制以略示羈縻而已至神宗萬曆時此三衛中諸部互相雄長扈倫在滿洲之北其勢最盛及滿洲六部中努爾哈赤崛起於覺羅部遂合併諸部而建立為一統之大帝國以與明朝相抗拒

努爾哈赤之用兵也。先自近部始。其始攻克滿洲五部。繼乃北向。與扈倫諸國爭雄。長扈倫者。明之海西衛地也。海西四部。葉赫最強。為塞外諸國盟主。及努爾哈赤統一滿洲。又收服鴨綠江部。盡有其衆。疆土日擴。葉赫酋長納林布祿忌其強。乃遣使滿洲。以均勢之說。相要挾。曰。扈倫四部。言語相通。勢同一國。今所有國土。爾多我寡。盍割地與我。努爾哈赤不應。納林布祿乃糾合扈倫四部。及蒙古之科爾沁。錫伯。卦勒察三部。長白山之珠舍哩。納殷二部。計共九國。聯軍來攻。衆凡三萬。分三路進兵。陣於渾河北岸。努爾哈赤聞聯軍大至。引兵至扎喀城。乘城觀之。謂諸將曰。烏合之衆。其心不一。殲其前鋒。必自退。因而乘之。蔑不勝矣。乃移軍疾馳二百里。至古時山。據險而陣。發百騎挑戰。葉赫西城酋長布寨。科爾沁酋長明安。先衆突進。布寨

征服諸
部

建國大
金

馬觸木。陪努爾哈赤兵。即斬之。乘勝長驅。明安陷。淖馬遁。聯軍遂
 大潰。努爾哈赤遂北。數十里。斬首四千級。諸部大震。先後屈服。納林
 布綠不得已。納其女以和。此明萬曆十九年事也。未幾。葉赫復叛。與
 哈達同謀。抗拒努爾哈赤。怒乃發兵。先擊哈達。克其城。滅之。繼又滅
 烏拉輝。發二部。又北略東海諸部。兵力益強。疆土大拓。萬曆四十四
 年正月朔。滿洲諸貝勒大臣。奉表勸進。尊努爾哈赤為覆育列國英
 明皇帝。立國號曰大金。建元天命。定都興京。

附記

清之先。本出於金。代女真部族。太祖努爾哈赤。初建國號曰大金。旋以區別於
 前代之金。改稱後金。此事見日本人所記清初國事甚夥。如三島繼太郎之支

那近三百年史。及稻葉君山之清朝全史等。言之綦詳。今奉天盛京城撫近門之扁額。
 尙有大金字樣。而清代官書。皆深諱之。其諱稱大金。實自太宗皇帝太極始。皇太極承太
 祖基業。復加開拓。其後疆域日廣。境內包有蒙古人。漢人。朝鮮人。及西藏人等。不止女
 真一族。大金國號。不適於對待外族之用。且漢人對於金人。素多惡感。尤與招徠漢族
 為非宜。因於即位後之第十年。改國號為清。並將前此之文書部。面書大金者。一律改
 為滿洲。滿洲音近曼殊。本佛名。寓意謂清之帝主。為佛之化身。用以籠罩各族之人。心
 較大金為廣大。自此滿清一代三百年。官私文字。咸稱崇德以前為滿洲。而大金及後
 金諸名。稱遂無依據。豈可怪者。清之部族。實為女真。女真崇德以前為滿洲。而大金及後
 女直。歷金元皆稱女真。至明削復舊稱。為女真。而清中。凡女真字。直字。皆無女真。故
 修明史時。凡遇女真事。皆削去。尤奇者。字典注中。凡女真字。直字。皆無女真。故
 直等字樣。韻府亦不收女真字樣。清歷世示人以不虞。以故制筆之臣。小廉曲諱。以婦一人。
 僅於文字中。一見女真字樣。清歷世示人以不虞。以故制筆之臣。小廉曲諱。以婦一人。
 寧失史家之實。無犯溫樹之戒。由今思之。可謂陋矣。

制國書

定旗制

葉赫負固

大舉伐明
七大恨
告大

三 初次代明之役

努爾哈赤既稱帝於是製國書

洲創立書

定旗制

初設併諸國分其衆爲九族以純色爲別曰黃曰紅

曰藍曰白至是又增設四旗以雜色鑲之曰鑲黃鑲紅鑲藍鑲白分左右翼共爲八旗

置理刑聽訟大臣五人佐者十人

以分治國事

凡有大訟獄佐者十人審問言之五大臣覆審皆諸貝勒衆議既定編虛或有冤抑必令訟者跪帝前更詳鞠之故羣情皆得上達國

治內大

使國民皆兼習兵農刈穫既畢則縱牧羣畜於山野由是國富

民殷歸附者日衆時海西四國已平其三惟葉赫恃明之援負固不服努爾哈赤惡之初明人之設海西衛也分南北二關以哈達爲南

關葉赫爲北關哈達既滅南關已失所恃者惟北關而北關偏處開

原鐵嶺尤邊疆之屏蔽薊遼總督蹇達亟上疏陳東方隱憂不可不

早爲之備於是神宗乃屯重兵於開原而以火器兵助葉赫防守爲

犄角之勢葉赫既恃明之援與滿洲抗衡而明亦倚葉赫之強爲遼

東之保障努爾哈赤乃聚諸貝勒謀曰葉赫恃明之援今若先圖葉

赫則明兵擣我之虛不若大舉伐明先挫明兵然後再圖葉赫諸貝

勒曰善遂於萬曆四十六年興師伐明臨行以七大恨告天略曰我

祖父未損明一草寸土明邊吏輕信尼堪外蘭之言無故啓衅殺我

陷撫順

克清河
堡

楊鎬出
師

祖父一也。設碑勒誓。明不違守。逞兵越界。衛助葉赫。二也。明以擅殺
爲詞。拘我使臣。脅取我十人。抵罪邊境。三也。明助葉赫。致葉赫背約。
以其許字滿洲之女。改適蒙古。四也。我滿洲累世所守疆土。耕田藝
穀。明不許刈穫。遣兵驅逐。五也。葉赫淪盟。召畔。明乃偏信其言。遣書
詬詈。肆行慢侮。六也。哈達助葉赫。兩次來侵。旣被征服。又脅我復其
國土。七也。遂進軍。圍撫順。降其守將李永芳。夷其城而還。是年秋。復
進軍克清河堡。全遼大震。明神宗起楊鎬爲經略。合朝鮮葉赫兵。共
四十七萬。以禦努爾哈赤之兵。

四 薩爾滸之戰

萬曆四十七年春。明遼東經略楊鎬。集兵瀋陽。分四路出師。山海關
總兵杜松。出中路之左。由渾河入撫順關。廣甯道張銓。監之。遼東總
兵李如柏。出中路之右。由清河入鴉鶻關。遼陽道閻鳴泰。監之。開原
總兵馬林。出北路。由開原會葉赫兵。出三岔口。開原道潘宗顏。監之。
遼陽總兵劉綎。出南路。會朝鮮兵入寬甸。海蓋道康應乾。監之。而以
遊擊崔一琦。別監朝鮮兵。合趨滿洲都城。號四十七萬。期以三月一

薩爾
山之戰

杜松
死敗

馬林
走遁
李如柏
潰散

劉綎
死戰

日會二道關並進會大雪兵不能前師期洩杜松欲立首功先期渡
渾河連克三小砦遂乘勝趨薩爾滸谷口以三萬衆屯薩爾滸山而
自引兵二萬攻界藩努爾哈赤方築界藩城夫役萬五千以精騎四
百護之聞松軍至伏精騎谷口以待俟松軍過伏發尾擊之至界藩
渡口以夫役千人相助返攻而自率六旗兵直趨薩爾滸山大營甫
戰日未昃忽大霾晦咫尺不相辨明兵列炬以戰努爾哈赤自暗擊
明萬矢雨集發無不中而明兵由明擊暗銃礮皆中樹林遂乘晦拔
柵踰塹佔領薩爾滸山潰其軍三萬松聞耗來援山上兵據高馳下
與山下兵夾攻衝松軍爲數隊松中矢死全軍盡覆此中路左軍也
北路馬林兵出三岔口聞松軍敗結營自固努爾哈赤乘高奮擊林
大敗遁走開原潘宗顏力戰死之楊鎬聞耗立檄止如柏劉綎兩軍
如柏至虎欄關滿洲守兵二十人見之登山鳴螺作大軍追擊狀如
柏軍大潰奔走相蹴死者數千人時劉綎已深入三百里至深河克
三砦不知松軍之覆沒也整衆前進登阿布達哩岡會努爾哈赤兵
亦登岡出其上而別以一軍趨綎西岡上自高馳下趨綎西者復從

葉赫平

熊廷弼

袁應泰

招降蒙

旁夾擊已乃張松旗幟被其衣甲以紿綖綖軍大亂力戰死綖驍將也既戰死明師喪氣康應乾及朝鮮兵營富察之野努爾哈赤移師邀擊大破之應乾僅以數百騎免一琦敗走朝鮮營朝鮮帥懼率衆降一琦投崖死時馬林走開原努爾哈赤移師攻之乘勝遂取開原鐵嶺是年八月努爾哈赤復進兵葉赫葉赫不能支遂被滅自是明之東北兩關失於是言語相同之國悉歸於一疆域西至遼南至朝鮮東際海北抵黑龍江矣

五 遷都遼瀋

初楊鎬既敗明廷逮鎬治罪以熊廷弼代之廷弼有文武才善用兵熟邊事集大軍十八萬分布諸要隘倡固守之策努爾哈赤以此按兵不進者年餘天啓初明臣忌廷弼者爭劾其不戰廷弼遂乞罷以袁應泰代之應泰故循吏非治邊才且不知兵會蒙古大饑諸部多入塞乞食應泰奏請收撫招降萬餘人分處遼瀋兩城優其廩食與民雜居欲倚爲助而此降人轉爲滿洲耳目天命六年春努爾哈赤率兵攻瀋陽克之總兵賀世賢戰死三月攻遼陽應泰集諸軍分陣

克遼瀋
二城

徙都遼
陽徙都瀋

寧遠之
役

太宗開
國方略

固守滿洲兵冒礮火登城據其一隅城中遽大亂應泰自焚死城陷蓋皆降人爲之也努爾哈赤既克遼瀋二城分兵四略於是遼河以東之堡塞營驛及海蓋金復諸州大小七十餘城以次俱下遂由興京徙都遼陽明年渡遼河進取廣寧又連陷四十餘城明兵退入山海關遂由遼陽遷都盛京卽今之遼甯瀋陽縣也越數年努爾哈赤復率大兵攻寧遠明巡撫袁崇煥守之火器礮石齊下不能克乃嘆曰朕自二十五歲興兵征伐以來戰無不勝攻無不克何此寧遠一城竟不能下豈非天耶因不擇者累日旋卽病卒其第八子皇太極嗣位改元天聰是爲太宗文皇帝

附記

清太祖努爾哈赤雄武英毅實不羈人有子十六人又曾起繼武夫奮勇善戰每有征伐與諸貝勒（即諸子）適野而謀重地而議上馬而傳令簡而速

故事雖不舉分部下爲八旗每臨敵七旗却走一旗拒戰卽以七旗佐領之丁分給一旗一旗却走七旗拒戰者亦如之國民十餘萬戶分處遼河東西無事則耕獵有事則徵調戰勝則分俘而受賞人自爲兵兵自爲餉故無養兵之費而用靡不給起兵二十年而國基開又十年而王業定雖曰天命豈非人事哉

●

太宗文皇帝

名皇太極太祖第八子母孝慈高皇后葉赫貝勒楊吉噶之女初爲西貝勒侍太祖征討所向有功既卽位建元天聰尋改崇德始定國號曰清

在位十有七年
五十二歲

太宗既嗣位雄武英毅不讓太祖其開國方略凡四首征服東海諸